


京都將軍家譜上


17

| | | | |
|---|---|---|---|
| 庫 | 文 | 閣 | 内 |
| 四 | 八 | 和 | |
| 二 | 二 | 書 | |
| 架 | 冊 | 號 | 類 |

| | |
|------|--------|
| 内閣文庫 | |
| 番號 | 和 8820 |
| 冊數 | 7 (1) |
| 函號 | 148 17 |

148-17





足利讀岐守貞氏男

尊氏將軍
等持院

直義從三位左兵衛督

義詮將軍
宝篋院

義滿將軍
鹿苑院 北山殿

義持將軍
勝定院

義量將軍
長得院

義嗣權大納言

義教將軍
音廣院


義勝將軍
慶雲院

義政將軍
慈照院 東山殿

義尚將軍
常徳院

義規權大納言
今出川 大智院

義植將軍
惠林院 東山殿養子



政知 從三位左兵衛督

義澄 將軍 東山殿養子
法住院

義晴 將軍
万松院

義輝 將軍
光源院

義昭 將軍
靈陽院

京都將軍家譜

尊氏 治世二十五年

足利又太郎 初名高氏

父清和天皇十五代足利讚岐守貞氏

母從三位藤原清子 上杉修理亮賴重女

後二條院嘉元三年誕生

後醍醐天皇元應元年十月十日叙從五位下任治部

大輔

元弘元年九月隨北條高時之命自鎌倉上洛欲犯笠
置皇居路次聞笠置既陷直向楠正成所守之赤坂城
同二年六月叙從五位上九月高時聞正成守千釵破

京

城而六波羅兵不能克乃遣大軍攻之尊氏亦在其列
明年二月攻千叙破城既而歸鎌倉

四月高時聞官軍大起以名越尾張守高家為大手木
將以尊氏為搦手大將又上洛尊氏宅父憂且病雖辭

乏而屢被驅遣心深銜之弟兵部大輔直義亦從行兩
將共入洛會於六波羅尊氏密遣使于伯耆船上皇居

請賜宣旨討高時勅許之
二十七日高家與赤松圓心戰敗死尊氏與直義及家

臣高師直等相議引兵往丹波聚軍兵詣于篠村八幡
宮

五月尊氏帥師上洛與赤松圓心等約期同攻六波羅
破之越後守仲時左近將監時益逃六波羅於路次

皆被殺京師悉平尊氏與殿法印良忠爭權有隙
六月五日後醍醐天皇自船上還幸京師尊氏奉迎任

鎮并府將軍聽內昇殿且任治部卿又叙從四位下任
左兵衛督

護良皇子号天塔宮與尊氏有隙因良忠之勸而起兵
欲擊尊氏勅諭之乃止

護良任征夷大將軍屢欲殺尊氏未果尊氏直義密賂
護良繼母准后藤廉子以為自全之謀

八月五日叙從三位同日兼武藏守勅以高字為尊
字

建武元年正月五日叙正三位
勅賜武藏常陸下總

五月帝信謬囚護良皇子配之於鎌倉使直義守送之
七月廿日御筮始

九月十四日任參議左兵衛督兼武藏守如元

同二年七月高時子相模次郎時行叛蜂起入鎌倉

直義弒護良而出奔勅尊氏討時行尊氏請任征夷大

將軍未許但許管領關東八ヶ國

八月尊氏與時行屢戰破之於是尊氏入鎌倉自稱征

夷將軍晦日授從二位賞戰功也

十月尊氏獻奏狀與新田左兵衛督源義貞相為確執

而毀其勲功義貞亦上書訴尊氏偽曲且告其殺害護

良帝怒以尊氏為朝敵十一月義貞東征廿六日削尊

氏官

尊氏在鎌倉使直義師直等於路次拒義貞戰于矢矧

鷺坂手超河原直義敗去義貞進到伊豆使弟義助副

中務卿尊良親王向所下尊氏聞逆鱗自切鬻入建長

寺以示無叛心衆皆失氣於是伊豆守上杉重能之

謀而尊氏不得止乃着甲冑率兵赴竹下使直義赴箱

根十二月十一日箱根之戰義貞雖得勝而竹下之戰

尊良義助敗奔故義貞亦失利退歸洛尊氏屯兵於伊

豆

延元六年正月尊氏直義率大軍發尚上方與義貞戰

于大渡雌雄未決時細川定禪赤松範資等擊義助入

山崎義助兵散去義貞聞之慮朝敵狼籍帝都乃引兵

而退依是帝幸叡山十一日尊氏入洛內裏兵燹尊氏

使定禪居三井寺以窺山門上八人各內乘其

參議陸奧國司源顯家來著坂本上義貞顯家正成等先攻三井寺定禪敗歸京義貞直進入京十六日與尊氏相戰大破之其夕義貞息兵定禪襲破之義貞歸坂本

廿七日義貞顯家正成名和伯耆守長年入京攻尊氏尊氏亦失利正成以籌策使分尊氏兵既而義貞正成一朝急擊之尊氏遂敗逃到丹波又到播津密使藥師丸回京求特明院之院宣其心欲扶天子而無朝敵之名也

二月二日帝自山門還幸

六日義貞顯家正成等追尊氏戰於播州豐嶋河原大破之於是尊氏逃於九州入宗像大官司館太宰小貳賴尚來從焉

菊池掃部助武俊攻尊氏尊氏使直義拒之戰於多々良濱武俊敗北乃使仁木義長攻菊池城拔之又陷九州別處之城郭以平之從是之後西海山陰山陽望風而應

四月尊氏出太宰府使義長及小貳大友守九州先是利氏賴守海路細川定輝同賴春在竹義敦赴關東仁木賴直往川波上杉憲顯巡石見

五月尊氏參詣嚴嶋時三寶院僧正賢俊齋持明院院宣來授尊氏尊氏直義率大軍自海陸相分進發同到兵庫義貞陣於和田御崎正成陣於湊川以拒之

直義與正成大戰於湊川正成力戰破之直義殆死尊
氏遣大兵救之正成奮擊數戰遂死之義貞義助聞
正成死率兵赴湊川尊氏直義合軍大破之義貞敗北
歸京奉帝又赴山門

尊氏上洛居東寺持明本院院光嚴御幸以本堂為皇居

六月二日尊氏遣諸將圍山門屯於西坂東坂廿日義

貞大破諸將之軍虜高師重師直諸將遁歸京師

七月八日義貞等帥師入京尊氏繫破之十三日義

貞等分兵夾攻京師尊氏使諸將拒之時四條中納言

隆資自八幡俄來襲東寺師直及土岐恐源太防之隆

資失利敗走義貞深進到東寺門前大呼曰請與尊

氏挑身獨戰決雌雄無徒苦天下尊氏欲出戰上杉重

能諫之乃止既而諸將自後面來擊義貞人潰圍歸

山是日名和長年戰死

八月光明院踐祚尊氏之所奉也

九月尊氏遣佐々木道譽於江州絕山門糧道官軍窮

困

十月尊氏密遣使於叡山請後醍醐帝還京勅許之

使義貞奉東宮往北國十日還幸直義迎之奉入花山

院使兵士護之其供奉廷臣武士山徒等或殺之或囚

之

義貞楮籠越前金崎城尊氏使足利尾張守高經高越

後守師泰師直仁木細川今川荒川小笠原塩冶等攻

之

京譜

十一月尊氏任權大納言

定建武式目十七ヶ条

十二月後醍醐潛幸吉野去南朝

建武四年南朝延元二年三月諸將攻破金崎城義貞義助出

城入瓜生氏カウシ和山城六日金崎城陷新田義顯義貞自長子

害尊良親王同有御事春宮恒良親王入京

尊氏使細川和氏監諸國租稅之事和氏悉押公家之

領地以為武士軍忠之食祿於是師直等私領皆倣和

氏之所為也攝關大臣以下諸公家皆到師直宅歎詆

之尊氏直義聞之僅分授領地

八月與州國司顯家攻入關東義詮尊氏嫡子在鎌倉聞之

遣諸將防之戰於利根河顯家擊破之十二月顯家及

新田義與等入鎌倉義詮出奔義與者義貞次男也

曆應元年正月顯家等上洛路次於濃州青野原與尊

氏諸將桃井直常土岐頼遠等合戰

義貞出自トクノ山攻落越前府城足利高經逃入黑丸城

尊氏直義弒前東宮恒良及前將軍成良親王

二月尊氏遣高師泰細川頼春等擊顯家々々無利赴

南都與師直直常等屢戰屢敗五月廿二日於泉州安

部野顯家討死少將顯信顯家弟義貞守八幡城

六月師直攻拔之

閏七月義貞攻黑丸城中流矢没

八月十一日尊氏叙正二位補征夷大將軍直義叙從

四位上任左兵衛督直義孫

京譜

七

十六日南朝後醍醐帝崩於吉野太子義良即位於後村上院

同二年七月義助攻落黑丸城尊氏遣諸將攻擊之

九月義助退去越前赴美濃遂參吉野

同三年三月師直詣塩冶高貞々々逃到出雲四月獲山名時氏殺高貞

義助赴豫州徇四國

五月義助病死 細川頼春聞義助死乃率兵拔屨々

之城郭以平四國

是年建立天龍寺以僧疎石為開山

康永元年九月直義誅上歧頼遠頼遠醉中逢光嚴上皇御幸狼藉无礼此

時直義代尊氏執天下政聞此事大驚歎故頼遠雖有戰功不省之以死斬罪

十二月尊氏因母服辭將軍不許

三年正月尊氏參詣八幡社

九月直義叙從三位

貞和元年八月廿九日天龍寺供養尊氏赴焉

備前住人三宅高德丹波住人荻野朝忠起兵尊氏使

兵攻之朝忠降參高德潛入京欲襲尊氏館不成而奔

信濃

同四年八月楠帶刀正行起兵於河内尊氏使細川顯

氏擊之戰於藤井寺正行擊破之尊氏又使大軍擊正

行正行潛兵入京俄襲尊氏直義館急擊之尊氏逃到

近州内室遭害直義鑿地道遁出既而正行帰河内於

是尊氏直義帰洛

十一月遣山名時氏細川顯氏攻正行戰於住吉安部
野正行擊破之

十二月執事高武藏守師直越後守師泰奉尊氏命率

四國中國東海東山二十餘國軍勢擊正行人軍於正

同五年正月師直與正行大戰於四條繩手正行力戰

破之師直屢退殆死時正行中箭而死師直進到吉野

南帝奔賀名生師泰到河內攻楠正儀屯於石河河原

師直歸京

尊氏直義詣八幡社日天請古州參戰入城

師直師泰奢侈與上杉重能自山直宗有隙重能直宗

與天龍寺僧妙吉相謀訴彼奢侈於直義

直義欲誅師直直義欲誅師直故推

尊氏長庶子直冬為西國探題直義欲誅師直故推

六月尊氏構搆敷於四條河原觀田樂直義諫之尊氏

曰天下事既以附汝我以盤樂為業而已遂往焉

八月直義欲誅師直直義欲誅師直故推

所也直義入尊氏館師直師泰圍御所於是直義辭執

政以重能直宗處流罪師直解圍而去使人誅妙吉其

後師直遣兵於配所而殺重能直宗

十月義詮自鎌倉上洛代直義聽政師直專權

十二月直義剃髮号惠源

觀應元年直冬起兵於筑紫中國人多應焉六月師泰

率兵赴石見國十月師直奉尊氏赴筑紫義詮守京師

惠源出京降參吉野為南帝大將

同二年正月惠源欲攻京陣於八幡桃井直常應惠源

之招自越中登比叡山以窺洛中義詮出奔直常入洛
尊氏師直歸京與直常合戰直常敗走京軍多降惠
源者

尊氏赴西國使義詮往丹波

二月師泰自石見歸會尊氏及師直於播州書寫山於
攝州處之與惠源諸將相戰屢敗尊氏師直狼狽入松
岡城而欲自殺會有和睦之儀尊氏義詮惠源各入洛
師直師泰剃髮從焉路次於武庫川邊師直師泰伏誅
其一族從者皆被殺

七月尊氏惠源不和惠源赴越中九月尊氏發向江州
惠源經北陸赴鎌倉十月尊氏東行使義詮守京師十
一月尊氏陣於駿州薩埵山惠源到伊豆國守使關東

軍兵圍之

十二月宇都宮公細藥師寺公義等應尊氏發下野自
後面來攻之尊氏下薩埵山奮擊之關東兵敗走惠源
降參

文和元年正月尊氏入鎌倉二月鳩殺惠源

義詮愁京都少兵詐與南帝和睦南帝亦詐許之到八
幡閨二月南方軍兵楠正儀等俄襲京師細川賴春討
死義詮奔江州 崇光院及光嚴光明兩上皇遷幸吉
野

新田義宗義貞與脇屋義治起兵於上野向鎌倉與尊氏
戰於武藏野尊氏敗走殆危義宗等戰疲歸去仁木賴
章義長等襲義貞與義治而破之

義興義治潛兵入鎌倉其氏敗奔基氏者尊氏二男時
義宗陣於笛吹峠尊氏進兵攻之義宗戰敗走越後
三月尊氏入鎌倉義興義治引兵保河村城尊氏使兵
攻之

三月義詮自江州上洛攻八幡合戰

五月南帝避八幡歸吉野

八月義詮立後光嚴院為帝

山名師氏叛義詮出京赴伯耆勸其父時氏起兵降南
帝

同二年六月時氏師氏發伯州與南方將楠正儀和田
正武等亂入京師義詮戰敗而奉帝奔江州敵兵急接
佐々木秀綱討死道譽細川清氏負帝而行既而義詮

等到濃州時氏欲攻濃州不成引兵歸伯州義詮歸京

三年春義興義治出河村城逃亡尊氏使基氏為關東

管領以富山國清法名為之傳基氏自是不敢安居與

尊氏自鎌倉歸京以仁木左京大夫賴章補執事職使

義詮赴播磨將攻伯州時氏迎直冬以為主將再議起

軍越前守護足利高經越中守護桃井直常應焉與時

氏約期欲攻京十二月山名父子發伯州

同四年正月尊氏奉帝赴江州武佐寺直冬等入洛

二月尊氏催軍勢陣於東坂本義詮陣於山崎神南山

名父子向神南與義詮合戰細川賴之赤松則祐佐々

木道譽戰功山名敗走師氏蒙疵尊氏與直冬於洛

中東寺等處屢戰互有勝負三月直冬時氏高經直
常戰疲糧盡各歸國於是洛中靜謐
公家表徵武士驕奢

延文元年八月斯波直持為與州管領其弟兼賴為出

羽國司居最上山形城同三年二月贈直義從二位

四月廿九日征夷大將軍正二位前權大納言尊氏薨

於京都歲五十四葬於衣笠山麓号等持院法名妙義道號

仁山基氏建善提所於鎌倉号長壽寺六月贈從一位左大臣日躰左

中弁忠光為勅使

康正三年四月贈天政大臣

執事高師直

仁木賴章

義詮 治世十年

童名千壽王

母從二位平登子 赤橋武藏守久時女相模守守時

妹

後醍醐天皇元德二年誕生於鎌倉

元弘三年四月尊氏自鎌倉上洛之時欲携義詮同行

然因高時之命而拘留之於鎌倉 五月聞尊氏揚兵

於京都而潛出大藏谷避高時之譴責也及義貞討高

時而家臣紀五郎左衛門奉義詮往會焉軍罷以後歸

居大藏谷東國武士聞尊氏威風而多法義貞屬義詮

者時僅四歲

建武二年四月叙從五位下

尊氏京都西國經歷多事之間留學鎌倉管領東國
康永三年三月叙正五位下任左馬頭

貞和二年四月叙從四位下

同五年十月上洛預政務

觀應元年八月任參議兼左近衛中將

延文元年八月叙從三位

同三年四月相續尊氏遺跡先是義詮事跡詳見尊氏譜中

十月基氏遣竹澤氏江戶氏誘殺新田義興於武州矢口渡

口渡

十二月義詮任征夷大將軍日躰左中弁時光為勅使

同四年二月兼武藏守

院紫探題一色範氏及弟範光為菊池武光被逐歸洛

六月使細川繁氏為院紫探題道死

七月菊池武光於院紫與少貳大友等合戰大破之

初自建武以來菊池武重及子武光居肥後國從南帝之命不敢屬武家屢攻擊邊境其威震於九州

十月仁木賴章死以細川清氏為執事

十一月畠山道誓為基氏各代率關東軍勢上洛謁義

詮議攻南帝

十二月南方發向義詮向大手陣於尾崎道誓向搦手

陣於津々山楠正儀和田正武防之

同五年四月諸將與南方兵合戰於龍門山銀嵩龍泉

平岩等處五月攻落赤坂城既而義詮率諸軍歸洛

七月道誓惡仁木義長而與清氏等相議欲殺之義長

馳到幕府劫義詮賜道誓清氏等追討御教書義長居

執事職佐々木道譽密道義詮出幕府而赴谷堂於是
義長出奔伊勢遂降南方義詮遣主岐賴康佐々木崇
永攻之南方軍兵蜂起道誓耻無其功而歸鎌倉自是
不悅道誓之
謀叛遂憂死

康安元年七月山名時氏師氏與赤松氏合戰陷義作
諸城

停赤松光範攝津國守護以佐々木秀詮道譽代之

九月楠正儀等攻攝州擊殺秀詮

佐々木道譽密告細川清氏有叛心義詮疑之清氏去

京赴若州示無黜心十月遣尾張左衛門佐氏賴等擊

清氏々々發自小濱城逆戰破之家臣頓官氏守城降

參不納清氏々々乃到南方南帝賜大將之印

十二月三日清氏正儀攻入京師義詮奉後光嚴帝赴

近州二十六日清氏等歸南方二十九日義詮歸洛

貞治元年正月清氏赴四國

義詮擇可為執事職者左右皆曰尾張左衛門佐氏賴

者修理大夫入道道朝子而佐々木道譽カキリ也宜居此

職義詮欲許之道朝不肯之推舉其幼子治部大輔義

將以為執事年少故道朝行政務氏賴剃髮初是利高

守又於修理大夫剃髮意道朝先是屬直義並冬冬

新波為於後又於後尾張其

六月直冬時氏出張中國桃井直常參自信州入越中

七月細川右馬頭賴之於讚岐國與清氏合戰清氏討

死四國悉屬賴之

九月斯波氏經道朝子奉義詮命為九州探題到著豐後大友氏時館菊池武光率兵攻之氏經敗走剃髮以謝

楠正儀等出張攝州燒賴之兵糧船道朝遣兵擊之正儀濕河内

同二年正月義詮任權大納言

七月叙從二位

同三年春大内介降参上洛拜謁

山名時氏降参義詮以因幡伯耆丹波丹後義作五ヶ

國守護職授之

仁木義長降参

細川頼之遣使招楠正儀奉仕幕府正儀不從

六月基氏以上杉民部大輔憲顯為鎌倉執事自是憲相繼為鎌倉執事

同四年二月義詮移徙三條坊門御亭五月因母服忌

解官八月除服宣下

佐々木道譽與諸大名相共護道朝々々出京逃到越

前乃使兵攻之

同五年七月道朝於越前死去其子義將降参九月命

義將擊桃井直常到越中會直常病死於是北國無事

以義將為越中守護

高麗人來朝著岸出雲遂赴洛不納之於洛中使居天

龍寺其牒狀謂近年倭人侵奪彼地云義詮謂是九州

海賊之所為也所不及加刑罰也故不贈返簡賜鞍馬

十匹鑑二領白太刀三振綾十段絲絹百段扇子三百
本於使者

同六年正月叙正二位

三月二十九日中殿御會以花多春友為題関白藤良

基二條殿作序義詮參内詠倭歌侍御遊宴

四月鎌倉管領左馬頭基氏卒以幼子氏滿附上杉憲

顯訪聞京師義詮使氏滿續遺跡為関東管領基氏時

或云三十
号瑞泉寺

九月義詮有病召細川右馬頭頼之以補執事職任武

藏守託以後事

十二月七日征夷大將軍正二位權大納言義詮薨三

十葬於衣笠山麓号寶篋院法名道權道号瑞山

晦日贈左大臣從一位

執事 細川清氏

斯波義將

義滿

治世四十一年

童名春玉

母從一位紀良子 石清水善法寺通清法印女

養母從一位源幸子 澁川刑部大輔義季女

延文三年八月廿二日誕生於京都

康安元年十二月清氏正儀陷京師時左右奉抱之夜

投東山僧良芳号蘭匿于衣被之中五日良芳與赤松

則祐善故扶載便輿馳到播州白旗城則祐奉迎之時

僅四歲明年歸洛道中愛兵庫琵琶塚之佳境謂從者曰汝等宜昇此地輸來於京云衆奇其大言

貞治五年十二月叙從五位下被行小除目御名字被添宸筆關白藤良基傳進之

同六年十一月義詮卿不例奏聞以繁務事讓義滿十歲以細川賴之為執事

十二月叙正五位下任左馬頭禁制條々禁誇奢用儉約

賴之輔佐幼君以天下為己任退佞臣而進正人且使有文才者侍左右從容匡導之為敬老納諫之媒又撰

法師六人蒙異鉢衣著袴橫帶大小刀似俳優者名曰佞坊又曰童坊稱某阿弥諂諂佞媚妄言詭傲俳佻

中屢為諸大名毒被玩侮以為笑是欲使義滿疾佞者也故謂諸士為諛佞者呼曰侍童坊人皆耻之於是賴

之作制法示諸士又沙汰領地訴論之事以尊氏直義義詮判形之證文返與本主如師直等所私出狀則沒

收之其餘政道能糾彈理非世以秘良傳賴之密以善言誨義滿於諸大名出座之時使言豆之故雖幼君皆

無不畏伏應安元年二月諸山長老入院沙汰僧中津妙佐赴大明中津号絶海

四月御元服賴之為加冠六月禁裡仙洞殿下并神領寺領條々沙汰停止武士

盤妨

賴之為御名代參詣石清水奉獻銀劍沙金神馬

十月五山十刹住院年紀沙汰先是不自退院者往々

十二月補征夷大將軍分諸土自一至五番日夜相替

同二年延曆寺捧狀請破却南禪寺賴之不決之南禪

寺僧妙葩與賴之有間故出寺蟄居於丹州妙葩道号

京氏清與楠氏相持合戰春屋号普

同三年賴之督諸軍發向南方攻河州拔數城楠正儀

不能出戰籠城以拒之賴之留山名氏清守河州而歸

京氏清與楠氏相持合戰

八月東福寺背法制故欲削五山之籍然因寺僧之請

而加元布施入道昌椿奉行之

同四年三月賴之閉居於丹波山國邑義滿時

是年關西親王良懷号將軍官初菊池氏遣使於大明

國

同五年九月以万壽寺為五山之列貞治二年雖被

行之間重被下知也

十一月廿二日御判始同廿七日御受衣夢窓国師并

道号天山但不剃髮

是年今川伊豫守貞世法名了俊下向九州

同六年夏大明使僧來告曰我王嘗三回聘使輸書於

日本持明帝持明帝指然悉阻於關西親王而遂不得

通故今使臣僧復來將軍家驚恠之

同十月關東五山住持職者自京都可被定之其餘可

為關東沙汰云

十一月任參議兼左近衛中將叙從四位下於是去左馬頭授鎌倉管領氏滿

十二月召賴之歸京預政事有九州發向之評議催群國之兵遣使於鎌倉召上杉彈正少弼朝房為京都警固使仁木義尹赴勢州歷國司北畠使山名氏清拒和田楠使武田小笠原攻伊豫國金谷武市村上等其餘東限伊豆北限越後而諸國之軍勢皆可向九州云

同七年三月將軍家發京師赴九州賴之及斯波義將畠山義深土岐佐々木赤松今川荒川以下從兵十萬餘人四月到安藝先陣於長門與菊池武政合戰九州人多背菊池者菊池奉關西親王引兵歸太宰府將軍

家到豐前菊池退陣於筑後高良山將軍家進者大宰府此間先鋒者與菊池屢戰互有勝負

九月菊池乞降和平事成菊池歸肥後國於是日向賜伊東氏筑前肥前授少貳長門豐前界大内介義弘豐後與大友

十月將軍家歸洛

十一月上杉朝房歸鎌倉

今茲九州凱旋以後天下悉從將軍諸國太名在京伺候王城繁榮時義滿十七歲

永和元年三月石清水御社參拜札奉幣獻銀劍砂金神馬

四月初參内

十月觀禊十一月大嘗會自武家被申沙汰之前後圖融院即位公家陵廢故延引二条前関白良基公作四年以記云、良基与義滿相睦故相談公家武家之事將軍家叙從三位

二年正月僧中津妙佐共濕自大明津在大明見太祖皇帝應制賦詩太祖賜和章既而告暇歸朝

三年朝鮮國使者鄭夢周來聘到筑紫遇探題今川了俊而歸國

四年三月移徙花亭長室町殿其館内多種名花故時人号花御所

任權大納言

八月兼右近衛大將

十二月叙從二位

康曆元年正月為馬寮御監

二月御筮始

四月鎌倉氏滿容有窺京師之心上杉憲春諫死

閏月賴之赴四國為伊豫讚岐阿波土佐四州之惣轄以斯波義將代賴之改執事号管領

六月花亭寢殿立柱上棟

僧妙葩住南禪寺

七月拜賀

同二年正月妙葩蒙國師之号任天下僧錄司僧錄之号始於此

叙從一位 御直衣并網代始

十二月御著陣并一位拜賀

是歲鹿苑院至永德三年九月親書

定十刹次第

永德元年正月御參太將役 三月行幸四月補家司

七月任内大臣大將太饗 八月御直衣始

和歌御會始 十二月御著陣

同二年正月朔日御參小朝拜

山名氏清於河内擊破南方軍先是數年合戰之間棟

清被破而赤坂城陷氏清攻和田破之取泉別故楠

將軍家轉任左大臣右大將

閏正月御拜賀著陣 補藏人所別賞

三月聽牛車

四月後圓融院讓位於後小松院前關白良基二條攝

政 將軍家為院別當

同三年正月蹈歌節會 將軍家為内辨

為非學淳和兩院別當氏長者

六月准三后宣下 時年廿六

十月行幸

是歲創相國寺以僧妙葩為開山葩姓之推其師夢窓

國師為之始祖而以第二世視事既而葩讓寺事於僧

明應另以空

至德元年三月上表辭大將

同二年八月春日御參詣

今秋細川賴之入道常久道号在四國召僧中津為阿

波寶冠寺開山今冬將軍家命常久使

同三年七月賜公帖於僧周信号義以南禪寺座位為

五山之上一八月以天龍寺座位為五山第一賜公帖於僧周佐号

嘉慶元年正月天皇元服奉理髮之役比之於霍光カ輔

耶帝故事

同二年五月辭左大臣

是年山名氏清與楠正勝合戰於平尾

將軍家遊紀州濱又赴富士

康應元年九月高野御參詣

明德元年山名官内少輔時熙同右馬頭氏幸有背武

命使山名陸奥守氏清同播摩守滿幸擊之時熙長幸

敗亡山名一族領十一箇

細川常久發四國到中國平逆乱者同二年常久上洛

將軍家使大館氏信告常久曰以政道委汝云以常久

子賴元代斯波義將為管領或曰常久再任管領○賴

為

時熙氏幸間行上洛潛居清水寺謝罪

十月山名氏清請曰將軍家可見宇治邊紅葉即許諾

將軍家謂與氏清相議可赦時熙氏幸罪故期以十一

日氏清喜乃自和泉到淀邊十日滿幸赴淀見氏清密

語時熙等御免事氏清不喜即称病不會于宇治使家

人謝於將軍家將軍家不釋而還御

十一日滿幸依押領仙洞御領之罪被停出雲守護職

不被置於洛中遣于丹波滿幸赴和泉勸氏清謀叛氏清從之相共約攻京之期自而滿幸歸丹波

赦時熙氏幸之罪本領案堵

氏清獻誓紙示無異心故洛中不設武備

十二月十九日册後國古山滿藤代官白滿幸謀叛河

內國守護代遊佐河内守白氏清謀叛

廿三日山名中務大輔氏冬出京奔八幡洛中騷動

廿四日遣御書於紀伊國守護山名修理大夫義理論

乏義理不從義理者氏清兄

廿五日召常久及細川賴元畠山基國今川泰範一色詮範斯波義重大内義弘佐々木高明赤松義則等談

軍事

廿六日將軍家入御於一色詮範亭分軍士使守諸藩是日不被著背長家僕御退治之故也

廿九日氏清陣於淀邊滿幸陣于谷堂跡日氏清先鋒

山名上総介義數小林修理亮進到天宮大内義弘力

戰擊殺上総介修理亮滿幸競來於内野戸常久畠

山基國擊破之滿幸敗走

氏清亂入京師與義弘赤松義則山名時熙等大戰氏

清乘勝於是將軍家進旗使一色詮範斯波義重為先

鋒氏清奮擊遂敗詮範與其子滿範斬氏清得其首時年四

十八其黨或討死或剃髮逃藏滿幸遁世亡跡

同三年正月四日分山名舊領加賜群士授山城于畠

山基國册波于細川賴元册後于一色滿範義作于赤

松義則和泉紀伊于大内義弘出雲隱岐于佐々木高明但馬于山名時熙伯耆于山名氏素又賜若狭今富庄于一色詮範

二月遣義弘等赴紀伊攻義理々々去城剃髮山名氏冬降参

前管領武藏守細川頼之入道常久卒年六十四院号永泰葬于

嵯峨將軍家悼惜之枉駕送之

畠山義深入道基因父在河内與楠正勝合戰遂拔千劍

破城正勝漂泊於十津河其弟正元潛入京欲狙擊將

軍家發覺被殺四月廿五日沙汰公家武家并諸寺社

事以亂賞罰

六月依養母服解官 八月除服

相國寺供養被准於御齋會梨木青蓮院等門跡出座

公卿殿上人扈從御家人供奉行列住持明應為導師

五山十刹皆出仕

閏十月大内義弘運謀諭南帝調和睦之議返送三種

神器於京都

十二月遷任左大臣

朝鮮使者來請修隣好將軍家許之命僧中津作書答

之

設法華万部會於内躰以用氏清等

同四年正月遷任御拜賀

四月後圓融院崩葬泉涌寺群臣供奉如例將軍家亦

被送之

夏中召僧中津於花御所每日講楞嚴

八月兵杖宣下

御參放生會

九月辭左大臣

太神宮參詣

斯波義將再任管領代細川頼元

應永元年九月日吉參詣

相國寺煇將軍家自到鹿苑院而守之僧中津自北等

持來謁

十一月再建相國寺

十二月辭征夷大將軍讓於長子義持

任太政大臣兵杖宣下

世傳義滿請任相國朝廷未許
既而聞義滿欲擁公家領地

義滿自為攝關以下以細川為攝家以高山等
為清花以下廢朝廷於是大驚有勅許云云

同二年正月拜賀白馬節會為肉辨

二月直衣始

四月行幸

六月三日辭太政大臣

九日御落飾時年三十八

七月參内

九月入東大寺受戒

是年山名播摩守滿幸伏誅

同三年九月登比叡山被准御幸山門講堂供養受圓

頓戒品

是年取鎌倉圓覺寺佛牙舍利氏滿不克拒辱

今川了俊歸自九州

同四年四月御移徙於北山新造別業其壯麗鏤黃金鹿苑寺是也讓室町亭於義持雖謝俗謂之金閣方務而事無大小皆決於北山殿

春日參詣為晴儀湖山遊藝院山門齋堂共奉之

八月被立遣唐使幸於彼

是年小貳菊池千葉大村在筑紫拔歸心命大内義弘平之

同五年三月二条関白師嗣子權大納言道忠受前大

樹之諱字改名滿基師嗣者良基子也良基與義滿相親故如此自是以後二条殿累世

與柳宮睦而受諱字以為家例

六月於鹿苑院慶賀三重寶塔

八月朝鮮使者朴敦之來聘大内義弘接待之前大樹

賜書於義弘以諭朝鮮

十一月鑊倉管領氏滿卒号永安寺子滿兼嗣

以畠山基國為管領自是以後斯波細川畠山相代管極赤松謂之四職

同六年九月相國寺七重木塔供養塔之高三百六十尺

十月大内左京權大夫義弘入道有繫挾邪心與關東

通密謀率筑紫中國之兵著和泉堺遣使者召之不至

於是遣僧中津諭之不從

十一月前大樹自督諸軍到東寺進陣于八幡使管領

畠山基國前管領斯波義將細川頼元等赴泉州義弘

築城築突倉井樓以防之土歧宮内少輔詮直應義

弘龍義濃長森城使王岐表濃守頼益攻之山名氏
清之子某亦謀叛於丹波京極五郎左衛門亦構虐於
近江各使兵攻之

十二月廿一日諸軍攻泉塚城燒之義弘力戰揮長刀
馳入基圍陣與尾張守滿家基圍相擊義弘遂死義弘
子大内新介降參是日泉塚人家一万余間焦土

同七年三月足利直冬卒初義詮之時屢雖侵中國而
義滿治世之初降參置之於
石見

同八年二月内裏炎上遷幸于北山殿

五月有日吉大宮杜八講北山殿及室町御所持赴写
青蓮院門跡并公卿來會

北山殿贈書於大明皇帝寄黄金千兩及若干器參議

菅原秀長墓之前宮内卿藤原行俊清書之

同九年二月大明建文帝寄書其書曰日本國王源道

義云

八月遊兵庫

九月於北山殿對面大明使僧道彝僧一如贈錦綺且

寄大統曆是日洛中路次警衛

同十年十一月大明成祖贈書告其即位

同十一年五月大明使者來於北山殿對面

同十二年斯波義重任管領

同十五年三月四日前大樹愛子義嗣義持弟叙爵八白

行幸于北山殿関白以下扈從前大樹著法服持數珠

携義嗣出於四足門下奉迎之經營盡義有絲竹御遊

是日義持不往會^上廿三日有祓歌御會以花契^上五年為
題其座次御製其次沙門道義次源義嗣次関白藤原
經嗣已下大臣公卿云^上廿四日義嗣任左馬頭叙正五
位下^上廿八日叙從四位下^上廿九日任左近衛中將^上道義
欲廢義持立^下義嗣故催行幸
以義嗣為之主使揚義名
四月廿五日義嗣元服任參議叙從三位中將如元年時
五月六日前征夷大將軍太政大臣從一位准三宮義
滿薨於北山亭^上年五十一号鹿苑院天皇廢朝數月勅使來
弔九日被贈太上天皇之號義持拜之^上叢林家說云天
子勅贈法皇號
十二月大明成祖皇帝贈書於義持弔慰之且作祭文
而謚道義曰恭獻王

十二管領 細川賴之

同十五 斯波義將

同十六 細川賴元

同十五 畠山基國

同十六 斯波義重

義持

治世二十一年

母贈從一位藤慶子 三寶院坊官安藝法眼女^上号勝院

准母從一位藤業子 日野大納言藤時光卿女

至德三年二月十二日誕生

應永元年十二月十七日元服叙正五位下任左近衛

中將^上聽禁色昇殿補征夷大將軍廿五日参内^上時九歲

同二年六月叙從四位下

同三年正月兼義作守

四月叙正四位正二日增坐

九月任參議左中將如元

十月御讀書始

同四年正月叙從三位

三月任權中納言

四月義滿讓室町館於義持

同五年正月叙正三位

同六年六月御受衣絶海国師弟子法名道詮道房頭山但不剃髮

同七年正月叙從二位

十二月御判始時十五歲

同八年三月任權大納言

同九年正月叙正二位

八月御筮始十一月叙從一位造内裏賞

同十年三月石清水御參詣始

同十三年八月兼右近衛大將時在元一

同十四年正月馬寮御監宣下

七月御拜賀

同十五年五月因父服解官六月復任

八月除服

十一月沙汰諸國關所事管領斯波右兵衛督義重判形使飯尾入道常廉奉行

是年南蛮貢黑象鸚鵡

同十六年三月朝鮮聘使來

京譜

三九

六月將軍家參詣石清水奉納砂金銀釵神馬拜禮奉幣

大神宮參詣

命前管領斯波義將法名道將贈返書於朝鮮執政者以諭

先君即世新君嗣立而隣好不渝也此度道將私求大藏經於朝鮮

七月任內大臣大將如元

鑊倉管領滿兼卒号勝光寺子持氏嗣

十月自北山亭移居三條坊門亭

十一月御參籠於石清水一七日有舞樂

是年斯波義淳代其父義重任管領

同廿七年四月高躰御參詣

關白藤滿基二条子基教改名持基因先例而贈將軍

家諱字

六月石清水御參籠有神樂

畠山滿家任管領

十一月將軍家八幡宮社參公卿雲客供奉

同十八年九月使源高貞討飛騨國司參議藤原尹纒

燒飛州小嶋城

十一月拜賀

是年將軍家過僧仁清庵室赤松越後守從之時僧宗

純号二休初謁御前

同十九年五月辭大將為院執事

八月兵仗宣下御參放生會

今月補淳和并學兩院別當源氏長者

平一月院司御拜賀

細川滿元為管領賴元子

同元年六月八幡社參詣公卿雲容供奉諸大名不
及供奉

同元年七月吉日參詣

八月奈良御參詣御臺所同赴焉廣橋大納言兼宣重

松頭左中辨義資飛鳥井中將雅清勸修寺右中辨經

興廣橋延尉佐宣光及管領等供奉有猿樂田樂 九

月還御

八幡參籠

同元三年九月春日參詣

十月從二位權大納言源義嗣薨髮

鎌倉執事上杉右衛門佐氏憲入道禪秀遂其主持氏

立持仲持氏弟持氏戰敗出奔駿州既而持氏起兵復入

鎌倉禪秀伏誅持仲自害

同二十五年正月義嗣卒年二十五法名道純号
圓修院又称林光院

五月前大納言源滿詮卒義滿弟贈左大臣

同二十六年七月大明使者來

九月辭内大臣

同二十七年七月御成敗條々松田入道常昌奉行

八月遊嵯峨乘舟直讀八幡

九月將軍家不例使近習者三十三人詣伊勢又奉幣

于諸社行太山府君之祭醫師高天被禁獄與俊經朝

臣同配流于讚岐國又捕陰陽助定棟是皆依有光咀

將軍家之風聞也廣橋大納言兼宣裏松參議義資日

歸參議有光勸修寺左中辨經典等赴室町殿無故被
追籠

十一月於室町殿行七佛藥師法公卿殿上人著座帶
釵取布施時猶不徹釵依為御所中也寺堂佛事之
持則不帶釵

同廿八年自山滿家再任管領

同廿九年正月渡御青蓮院義圓僧正之坊

四月院參有猿樂

五月修鹿苑院殿年忌於等持寺有御八講閱白藤滿
教及公卿雲客來會

渡御於土岐持益宅還御之時院參

渡御於日野一品有光亭

九月後小松上皇八幡參詣將軍家扈從

十一月將軍家詣八幡還御之後妙法院等諸門跡關

白大臣以下到室町殿而賀之獻太刀晦日渡御于

實相院直院參又俄入御于近衛殿

十二月將軍家使廷臣十三人各詠十一題之倭歌題

一首於勸修寺宅清書之使耕雲各明
魏批点之

修寶隆院殿年忌於等持寺有御八講公卿著座殿上

人參向南都北嶺僧徒出座

同三十年二月讓征夷大將軍於義興

四月薙髮

七月朝鮮國王使僧來贈天藏經作返簡以謝之僧周

噩撰之其後又遣書求其梓板朝鮮斬固之周噩道
号嚴中

同三十四年十月赤松滿祐放火其宅赴幡州使細川

持元山名滿熙擊之赤松越後守持貞依諸大名一揆
而自害滿祐免罪十二月掃洛初赤松圓心三子範貞
貞範則祐皆仕尊氏有
軍功則祐最尊氏以攝津因備前播磨義作五ヶ
且賜三人則祐長子曰義則長子曰滿祐相繼領
播磨貞範子曰頭則長子曰滿貞子曰伊豆
守貞村是嫡流也持貞者頭則第七子也雖為庶流因
將軍家之愛幸故領三ヶ国而驕奢無礼滿祐遂與諸
大名相謀嗾訴不止將軍家使持貞自裁而赦滿祐
正長元年正月十八日前征夷大將軍從一位內大臣
義持薨年四十三號勝定院廿二日贈太政大臣

管領 斯波義重

斯波義淳

畠山滿家

細川滿元

義量

在職三年在義持治世之中

母從一位藤原榮子 烏丸從一位權大納言藤資康

女

應永十四年誕生

同二十四年十二月朔日元服年十加冠父義持

同日叙正五位下任右近衛中將聽禁色宣下

同月十三日昇殿今日初參內院參同日讀書始

同三十年三月任征夷大將軍

同三十一年正月叙從四位下

十月任參議

同三十二年正月叙正四位下

二月二十七日薨年十九號長得院法名道基
道号筆山

康正三年二月贈左大臣從一位

義教 治世十四年

母同義持

應永元年六月十三日誕生

初入青蓮院門跡之室剃髮号義圓與南禪寺僧景南友善其後為門主任大僧正蒙准后宣旨

同二十六年十一月為天台座主

正長元年正月十七日管領畠山滿家參詣石清水於社頭取御闈而以義圓定為柳營之繼嗣翌日前將軍義持薨

三月十二日還俗号義宣於是有陣座宣下叙從五位

下行永除目任左馬頭 時年三十五

四月御判并評定御乘馬等始

叙從四位下

十月掛壁書於管領宅曰訴論之人遣奉書之後不過十ケ日同出可陣子細過此日限者不可及沙汰又

禁權門吹舉

斯波義淳再任管領

永享元年三月九日元服加冠畠山尾張守持國理髮

阿波守義廉

禁色宣下

十五日任參議兼左近衛中將補征夷大將軍改名義

教

二十三日参内院参

二十九日任權大綱言叙從三位

四月御判始 公家様之御判也

八月石清水参詣 兼右近衛大將

定出仕者并奉行人之規式

諸國關所沙汰

移菟紫富家四人於洛 與歸直次其一也

九月日吉参詣

春日参詣

十二月叙從二位

御受衣 絶海国師拜塔法各道

同二年正月馬寮御監

二月誦人文書皆載于目錄奉行人加判形以日限
第可窺之云

七月御拜賀

十月叙從一位有拜賀

十一月直衣始

同三年二月太神宮御参詣

四月重御受衣 夢窓国師拜塔改道興為道

高野参詣

十二月移徙於室町亭

同四年三月以小笠原政康為御弓師範

六月任大臣兼宣旨御参内

七月任内大臣 大将 有大鑿

八月御判始公家接

御直衣始

轉在左大臣大將如元

九月十日為見富士山發京都十七日到駿州藤枝

鬼岩寺國主今川範政奉迎十八日登高亭御覽富士

贈御詠於範政々々獻返歌飛鳥井權中納言雅世三

條宰相實雅常光院法中堯孝及細川下野守持春同

右馬頭持賢山名嬾真居士同中務太輔熙貴一色左

京大夫持信等供奉各有倭歌又遊清見関有御詠還

御之時於遠州潮見坂有御詠

十二月拜賀

浦殿上并院別當

浦殿上并院別當又補淳和并學兩院別當為源氏長

者聽牛車

是年細川持之任管領滿元子持元弟

朝鮮人來

贈書於大明國僧得岩書之得岩道号惟肖

同五年正月後花園帝御元服將軍家理髮二條攝政

藤持基加冠

三月倭歌御會始

四月廿一日將軍家親筆應神天皇繪緣起詞三卷被

功皇后二卷以被寄進於河内國譽田宮

六月大明宣宗皇帝寄書其詞云日本國王源義教云

七月御筮始

八月上表辭大将ヲ

同六年五月唐船來朝

同七年八月日吉神輿動座使兵攻之

同八年六月遣唐使帰朝

八月將軍家遊相國寺僧周鳳号瑞謁見以鳳補景德

寺住持賜公帖明年移住

同九年三月八幡御參詣

十月二十六日行幸供奉大臣公卿飾花鏤金銀

兵杖宣下

同十年八月御參放生會

九月辭左大臣

初義量早世義持無繼嗣欲以鏤倉管領持氏為猶子

未果義持薨及義教之立也持氏不喜故有背京之心

先是基氏没後氏滿滿兼持氏皆來京都元服而持氏

長子賢王元服之時持氏曰我子於天下無可為元服

之父者在義家佳例於八幡宮可使加冠乃携賢王赴

鶴岡行冠礼号義久上杉安房守憲實屢諫之不聽因

是持氏惡憲實々々自鏤倉山内退居於上野白井而

馳使于京都訴於將軍家將軍家奏遣諭旨并御教書

于諸國催軍勢

同十一年正月小笠原信濃守政康今川上総介範忠

範政并武田太郎信重朝倉小太郎教景等諸國軍勢

奉將軍家之命發向関東攻鏤倉上杉憲實帥師會焉

東國兵皆背持氏

二月十日持氏戰敗入永安寺自害義久於報國寺自
害鎌倉兵火持氏幼子春王安王逃於下野日光山政
康等進追之結城七郎氏朝到日光山迎春王安王猶
籠於結城城政康憲實等京都鎌倉軍勢悉圍結城城
日夜攻之

是度僧周鳳為使節鎌倉下向

七月朝鮮使者高得宗尹仁甫來聘

同十二年五月和州陣誅一色并世保等

十月近衛左大臣房嗣子教基元服將軍家加冠賜諱

字

十一月八幡參詣

是年結城戰場城中奇手合戰不止流東下野守益之

於周防國

益之法名素明家世嗜吟歌應永之間益之
與飛鳥井雅世卿今川了俊常光院堯仁及
堯孝僧正徹僧善說等相交皆以倭歌有名於世
云云益之有子曰常縁又任下野守能傳倭歌

嘉吉元年三月八幡參詣

四月諸軍急圍結城城城中有火城遂陷氏朝及子持

朝戰死凡被殺戮者一万余人春王安王遭虜政康及

長尾因幡守護送之上洛到羨濃國垂井道場將軍家

使殺春王安王云持氏季子永壽王出奔信濃氏朝季

子成朝出奔常陸

其後永壽王元服號成氏關東諸土
又迎之為鎌倉主既而為上校所逐
而蟄居于古河上
杉遂管領關東

六月將軍家分赤松滿祐所領備前備後磨表作欲封赤

松伊豆守貞村實削其地而裁被勢也未果滿祐子教

祐聞之密語於滿祐々々深恨之二十四日滿祐請招

待將軍家將軍家入御彼亭御覽猿樂酒酣時滿祐放
厩馬因噪閉門伏兵忽發滿祐自屏後出弒將軍家
四十座中驚遽相擊不知所為也死者多矣大内持世
逾垣而出滿祐教祐出奔于幡磨

廿九日贈太政大臣号普廣院

管領 角山滿家

斯波義享

細川持之

義勝 治世三年

母從一位藤重子 裏松贈左大臣藤重光女

永享六年二月九日誕生

嘉吉元年六月二十四日先考暴薨於赤松滿祐亭管

領細川右京大夫持之及大内持世等定策奉義勝為

主君時僅三使細川讚岐守持常赤松伊豆守貞村武田

大膳大夫信賢為大手大將山名右衛門督持豐法名宗全

同修理大夫教清同相模守教之為搦手大將發向播

州攻白幡城戰於蟹坂細川持常素與滿祐相善故進

為先鋒不納他人之兵於國中

八月奏賜綸旨命播州寄手追討滿祐

義勝叙從五位下御名字任貞治例自一條関白持基

被定申之

九月行德政救貧民禪僧慧鳳作德政論

山名持豐及修理大夫相摸守自搦手過大山口乱入

京借

三十九

播州急圍滿祐城人遂陷十日滿祐自殺教祐逐電
梟滿祐首於獄門

賜播磨於持豐美作於修理大夫備前於相模守

十一月評定始

大宰少貳嘉賴不應滿祐追討之催促故使大内持世
攻之嘉賴戰敗避筑前奔肥前持世領少貳舊地嘉賴
欲復國再起兵持世擊破之嘉賴赴對馬

同二年二月御讀書始并御手習始

同八月四日管領細川持之卒畠山左衛門督持國入

道徳本任管領廿四日徳本出仕乘綱代與騎馬十

人二行從焉即有評定始諸奉行人者直垂大口而出

仕

十月義勝欲元服請加冠於二條関白持基人來謝
焉傳奏以下參賀

二條前攝政兼痕近衛左大臣房嗣相共競望執柄掌
職皆遣使者相談管領徳本以求之

十一月七日義勝元服於室町殿被用公家儀追勝定
院殿例也勅使蔵人右中弁俊秀來贈賜御冠御直衣
等理髮三條中將公細加冠関白持基月卿雲客出座
叙正五位下兼左近衛中將補征夷大將軍禁色昇殿
宣下

十三日將軍家御弓始諸大名近習衆獻太力

十二月將軍家誦了孝經此次奉授太学賜御馬御太
刀於大外記清原業忠

同三年正月叙從四位下

五月朝鮮人來朝將到兵庫時德本謂朝鮮人託事於
貢職然實為商賈也且將軍家尚幼稚諸大名國役之
費旁為無益也不可入於京都云彼國使者言為奉吊
普廣院殿來朝不敢為商買來也於是使入都
六月朝鮮人入京館之於雙林寺傍景雲庵斯波千代
德監供給事而下行之
十九日朝鮮人參室町殿謁將軍家其路次作樂或吹
笛或擊鼓或打鉦鼓或彈琵琶凡馬上者五十騎也
廿四日普廣院殿第三向忌也將軍家渡御於普廣院
燒香於等持寺有御八講月卿雲峇出座為禁中御沙
汰於泉涌寺有御追善

七月廿一日征夷大將軍左近衛中將源義勝早世
自幼能駁至是隊馬而天時十歲故東
山僧龍洲吊詞有十歲兒能騎馬之語
廿三日贈左大臣從一位房慶雲院道号栗山

管領

細川持之

畠山持國

Handwritten marks at the top left corner of the left page.

Handwritten text on the right page, including the characters "廿三日" (23rd day) and "大引" (Great Drawing/Extraction).

高山社圖 (Takayama-sha Zu)

